

**Ed.**

**224. Frumvarp til laga**

um eyðingu svartbaks.

Flm.: Þorsteinn Þorsteinsson, Hermann Jónasson.

1. gr.

Lög nr. 89 9. júlí 1941, um eyðingu svartbaks, skulu gilda til ársloka 1948.

2. gr.

Lög þessi öðlast þegar gildi.

**Greinargerð.**

Reynsla sú af lögum þeim, er framlengja á með frv. þessu, hefur orðið sú, þar sem við flutningsmenn þekkjum til, að mjög hefur á undanförnum árum fækkað skaðskemmdarfuglum æðarvarpa, þar sem unnið hefur verið að útrýmingu þeirra samkvæmt framannefndum lögum. Í nokkrum varpeyjum hefur tekist að gereyða svartbak. Við þau varplönd alast æðarungar margfalt fleiri en áður og varpið eykst árlega. Það er alkunnugt, að æðarvarpið er arðvænlegur og ánægjulegur atvinnuvegur og eykst þar mest, sem bezt er hluð að æðarfuglinum og hann varinn kappsamlegast fyrir flugvargi. Teljum við því rétt að leggja til, að lög þessi verði fram lengd enn um nokkurn tíma, þar sem reynslan hefur sýnt, að þau hafa orðið æðarvarpseigendum mjög til hagsbótar.